

FIDYAH

بِسْمِ اللَّهِ الرَّحْمَنِ الرَّحِيمِ

الحمد لله رب العالمين، وبه نستعين، ونصلي ونسلم على أشرف الأنبياء والمرسلين، وعليه وأصحابه أجمعين.

Fidyah ialah bersedekah secupak makanan asasi (beras di negara kita) kepada orang miskin untuk tiap-tiap hari yang tidak berpuasa (dalam bulan Ramadhan) nilai secupak 0.7 kilogram atau seperempat gantang fitrah. Beras fidyah ini hanya boleh diberikan kepada orang-orang miskin sahaja sebagaimana firman Allah Ta'ala:

وَعَلَى الَّذِينَ يُطِيقُونَهِ فِدْيَةٌ طَعَامُ مِسْكِينٍ ۖ فَمَنْ تَطَوَّعَ خَيْرًا فَهُوَ خَيْرٌ لَّهُ وَأَنْ تَصُومُوا خَيْرٌ لَكُمْ إِنْ كُنْتُمْ تَعْلَمُونَ ۗ ۱۸۴

Maksudnya:

“Dan wajib bagi orang-orang yang berat menjalankannya (jika mereka tidak berpuasa) membayar fidyah, (yaitu): memberi makan seorang miskin. Barang siapa yang dengan kerelaan hati mengerjakan kebaikan, maka itulah yang lebih baik baginya. Dan berpuasa lebih baik bagimu jika kamu mengetahui.”

Dalam hal ini Rasulullah S.A.W juga telah bersabda:-

عن ابن عباس قال: الشَّيْخُ الْكَبِيرُ وَالْمَرْأَةُ الْكَبِيرَةُ لَا يَسْتَطِيعَانِ أَنْ يَصُومَا فَيُطْعَمَانِ مَكَانَ كُلِّ يَوْمٍ مِسْكِينًا

(رواه البخاري)

Maksudnya:

“Dari Ibnu Abbas ra, sesungguhnya ia berkata seorang lelaki yang sangat tua dan seorang wanita yang sangat tua yang tidak lagi kedua-dua itu mampu berpuasa maka hendaklah kedua-dua memberi makan tiap-tiap hari seorang miskin.” (H.R Bukhari)

(Rukhsah ini dikekalkan kepada orang yang tua lelaki dan perempuan yang amat susah untuk berpuasa dan tidak dapat diharapkan lagi bahawa ia akan berupaya pada suatu keadaan yang membolehkannya untuk mengqadha puasa itu). Rukhsah ini juga diberikan kepada orang yang sakit yang tiada harapan lagi untuk sembuh maka bagi mereka hanya diwajibkan membayar fidyah saja dan tiada qadha bagi puasa yang mereka tinggalkan.

Demikianlah penerangan dari Allah SWT dan RasulNya Muhammad SAW yang mengisyratkan bahawa orang yang sangat tua atau sakit yang tiada harapan lagi untuk sembuh

maka mereka hanya diwajibkan membayar fidyah sahaja dan tiada qadha bagi puasa yang mereka tinggalkan.

Mudah-mudahan penjelasan ini memberi manfaat kepada umat Islam khususnya kepada yang bertanya.

Wallahu'alam.

والله تبارك وتعالى أعلم

Disediakan oleh:

Pejabat Mufti Negeri Sabah
KOTA KINABALU.